

生

附錄

傷寒第一書附餘叙

傷寒第一書原本二卷得胡玉
海增補則例七十六條精義心
法闡發無遺學者果能細心讀
之會看舌胎分經用藥即貞集一

帙備而不用於傷寒證已可見病
知源起死回生矣自庫子年刊
發後或曰貞集廣大精微粹難
會悟或取仲景傷寒論及醫經
中求奧難明者屬余更為發揮

余思仲景論治法與傷寒
第一書治法本屬同揆即貞集
河洛八卦圖說之與素難金匱
此經理法相符誠能比類參觀
以圖按經臣經核圖自有左右

逢源之妙正不必請益而者曰氣
倦者如第近年以來問難既多
發明不少與其令人自悟之孰
若自我傳傳之俾同志之士易
於得所指歸而自古安以陽寒

為難治之證者今則惟以傷寒而
易治之證寧非活人之至願乎爰
取歷次發明傷寒諸條及醫經
雜說擇其可為定論而有裨醫
學者分為二卷併刊於後名曰

附錄竝質之玉汝以為何如也

乾隆四十九年歲次甲辰春三

月會稽車宗輅質中氏書於

廊坊官舍



傷寒第一書附餘目錄

卷上

傷寒病源

溫病熱病辨

傷寒傳經正理

六經寒熱各有所主

陽虛陰盛陽盛陰虛

傷寒汗法下法必應分明

太陽經麻黃桂枝辨

陽明病分別治法

少陽半表半裏論

傷寒足三陰經下證

傷寒寒厥熱厥病因不同

傷寒日數及內外證治大法

中風中寒轉變證治

汗下溫補通變合宜

病有根源治有活法

陰陽互用務須知本

結胸痞證

風溫溫瘧

合病併病兩感

兩感辨誤

證似傷寒

痊濕喝三種

百合狐惑陰陽毒

燥熱水寒說

卷下

傷寒吐法

傷寒清法

中風中寒溫補法

藥隨陰陽各有主治

陽病治陰陰病治陽

奇經八脈

脈有根源

持脈定法

王叔和脈訣辨

脈之大綱

關格脈證

絡脈所主脈證

內經四氣所傷論

外感內傷所受經言異同論

七傳者死間藏者生

三焦色絡水火互用

司天在泉所主不同

洛書爲醫之一貫

八卦有體有用

醫宗心法

治病必求陰陽之本

醫必取法乎上

三陽三陰又各分陰陽施治

熱藥寒藥補藥發明

東垣醫法

中風治法

外感內傷要訣

附方

傷寒第一書附餘卷上

會稽車臺但傷寒例一

山陰王勉渠星周叅訂

傷寒病源

王叔和於傷寒論撰次極精功亦不小但傷寒例一篇千慮一失者有之蓋傷寒不拘春夏秋冬皆感於六淫之氣隨感而隨病者也冬時天氣寒故曰傷寒春夏天氣溫熱故曰病溫病熱此病溫病熱總謂之熱病皆傷寒之類也又傷寒熱病中風濕溫溫病難經所謂傷寒有五者是也

五者之中傷寒熱病。乃胃有食滯而外感也。中風內傷於腎。而後外中於風也。濕溫。長夏內傷於腎。而風濕相搏。頭痛身熱。骨節疼痛。不得屈伸。或汗出短氣。足冷腹滿者是也。溫病者。卽指溫疫言之。溫疫非年年常有之病。有則萬民同病。而各年之疫。又復種種不同。靈樞七十九篇。總謂之遇歲露焉。此因冬時萬民皆中虛風。入客於骨。及至春時。萬民又皆中於虛風。兩邪相搏。經氣結代。故難經謂溫病之脈。不知何經之動。各隨其經所在而取之也。王叔和傷寒例曰。冬時中而卽病者。名曰傷寒。是矣。其曰中而不

卽病者。寒毒藏於肌膚。至春變爲溫病。至夏變爲暑病者。非也。此溫病暑病。卽內經先夏至日爲病溫。後夏至日爲病暑。亦卽春夏隨感隨病之溫病。及傷暑傷寒之病也。王叔和不明春夏溫暑亦名傷寒之理。遂謂寒毒變病。又謂伏寒變溫。又謂時行寒疫。一似非寒不爲傷寒者。豈知傷寒不必執煞因寒而病。亦不必執煞因寒而名。凡感於天之六淫。而身熱脈滑者。皆謂之傷寒。內經謂熱病者。傷寒之類。難經謂傷寒有五。風濕溫疫。皆在其中。亦卽不必執定因寒而名傷寒之明證也。至仲景謂太陽病發熱而渴。

不惡寒者。名爲溫病。此卽先夏至日爲病溫之證。因病人於春夏時。外感天氣之溫熱。故渴而不惡寒。並非伏寒變溫也。但於熱病中。臨證細審之。則隨感隨病。不辨而自明矣。風溫者。卽春夏溫病中之中風。因誤用麻黃發汗而爲變病者也。春夏時熱氣浮。誤發虛人之汗。故陰氣失守。陽氣不固。而爲病益甚。難經云。中風之脈。陽浮而滑。陰濡而弱。王叔和云。陽脈浮滑。陰脈濡弱者。更遇於風。變爲風溫。其說亦近似矣。然曰遇風而變。不曰春夏中風。誤汗而變。則仍不離乎伏寒變溫之說。故語有小疵耳。又傷寒例曰。

冬溫之毒。與傷寒異。時行寒疫。爲治不同。予謂冬溫寒疫。亦傷寒之類耳。總當以類傷寒治之。溫瘧者。內傷而邪中於骨。復因暑而發病。先熱後寒。右尺脈浮弦者是也。溫毒者。熱病中之失於汗下者也。察其所苦。依六經分治之可也。又內經素問曰。冬傷於寒。春必病溫。王叔和卽指爲溫病之註脚。而立伏寒變溫之說。喻嘉言又將春時之中風。指爲溫病。而法用溫解。王安道又稱溫病。內外皆熱。而例用辛寒。是王叔和一誤。喻嘉言王安道再誤。而誤亦不同矣。豈知素問論四時所傷。如冬傷寒。而春病溫。內經靈樞

亦有之。乃指內傷腎精。水虧火旺。因爲黃痺消痺火痺。及
飢飢痿厥等證而言。故靈樞云。冬傷於寒。春生痺熱。素問
云。冬不按蹻。春不飢飢。故精者身之本也。故藏於精者。春
不病溫。又云。冬三月閉藏。逆之則傷腎。春爲痿厥。奉生者
少。是素問之春必病溫。卽靈樞之春生痺熱。亦卽素問之
春病飢飢。春爲痿厥。正與下文夏之殄泄。秋之病瘡。冬之
咳嗽。同爲四時之雜證。於傷寒溫病。總屬不相干涉者也。
瘧與濕喝。亦傷寒之類。胡玉海已另爲發明矣。不贅。

溫病熱病辨